

Għjuvan' Pè

Ancu lu to passu sgualtru
Pè la piazza San' Niculà
Caminavi inc'u to estru
Chì nisunu ùn si pò scurdà

Venti toni e timpeste
Ùn ti pudivanu inchjudà
In lu to capu eranu feste
Ch'ogni ghjorni ci faccivi campà

Davi un sensu à l'amicizia
Cumè sè l'avissi perturita
È ghjera incù la to famiglia
U tiscru di la to vita

Per ognune di le to cacciate
Un libru c'hè statu apertu
È di le nostre scaccanate
Chì ne ride l'universu

Dicci quante stonde pagne
Senza tè ci passeremu
È senza le to magagne
Dicci tù cume feremu

Dicci tù cù le to parulle
È cù la to simplicità
Quantu seranu longue l'ore
Senza un pudetti più chjamà

In la partita chè t'hai fattu
Sta volta contra la vita
À trenta duie anni t'ha « contratu »
Mà la partita ùn hè finita